

Sanglinz: Fanh Vunz Angqhoh Ciet Goenggyaeu

上林：万人欢庆万寿节

3 nyied 22 hauh, liggaueq ngeih nyied cib' it, miz fanh lai boux ginzcung Sanglinz Yen caeuq bouxhek diegrog daeuj daengz Sanglinz Yen Bwzhih Cin Aicangz Cunh baihnaj Miuheicwngz angqhoh Ciet Goenggyaeu. Ngoenzde, miz caeq goengvuengz gouz fuk、goengvuengz cunzyawj、byaij doufuk dougyaeu、fouxaegoeng、benz laecax、gvaq feiz、ciengi bauqva、youz gyaqva daengj Bouxcuengh minzsuz byaujyenj, caemh miz cuengq bauq、foux saeceij、vwnzyi byaujyenj、baijyienh Sanglinz funghgvangh sezingj cozbijn、baij gai huqdoj Sanglinz daengj hozdung.

Dangzdai Cwngzcouh cwsij Veiz Gez, ciuhvunz de ceih rwix haenh ndei, cauxfuk hawj lwgminz, Sanglinz Yen gyoengq beixnuengx Bouxcuengh vihliux geiqniemh goenggyaeu neix, dawz moix bi ndwenngelh ngoenz ngeihcib' it dingh guh Ciet Goenggyaeu. Ciet Goenggyaeu youq 2012 nienz ndaej lied haeuj gih raeuz feihvuzciz vwnzva yizcanj mingzloeg. Sanglinz Yen ginzcung daj bi 2007 hwnj moix bi cungj guh angqhoh Ciet Goenggyaeu hozdung, bineix dwg banh gaiq daihcaet lo.

(Veiz Yennaz)



▲Gyoengqvunz diuq fouxaegoeng.



▲Sihyanghungz Yisuzdonz diuq foux
《Soengq Makdauz Hawj Goengvuengz》,
ndei yawj dangqmaz.

Duh'anh Banh Fwencuengh Beizyinbanh

都安举办农民山歌培训班



Vihliux hungzyangz conzdungj vwnzva maenhndei Bouxcuengh raeuz, gyagiengz caeuq gyahung aen duivuj canghfwen lajmbanj, daezsang gyoengq canghfwen guh fwen eu fwen suijbingz, aeu fwen daeuj senhconz dangj "Cibbet Daih" cingsaenz, fungfouq ginzcung lajmbanj cingsaenz vwnzva swnghhoz, mboengqgonq, Duh'anh Yauzcuz Swciyen banh le nungzminz Fwencuengh beizyinbanh, ndaw yienh miz 20 lai boux nungzminz canghfwen daeuj camgya beizyin.

Lauxsae hawj gyoengq yozyenz gangj dangj "Cibbet Daih" cingsaenz neiyungz; gangj sij fwen cihsiz. Gyoengq canghfwen camgya beizyin liux le, couh camgya le Hozciz Si canghfwen senhgyangjdonz haeuj gihcwngz eu fwen senhconz "Cibbet Daih" cingsaenz hozdung.

(Dangz Bingjfwng)

Denhdwngj: Nungzminz Gag Cujciz Hwnj Bo Ndaem Godauz

天等：农民自发组织上山义务种桃树

Vihliux gaijndei swnghdai vanzging, cauxguh vanzging gyaundeit lajmbanj moq, mboengqneix, Denhdwngj Yen Fuzsinh Yanh Mbanjcungdenj miz 720 boux ginzcung gag kujciz hwnj bo bae ndaem godauz, gyoengqde gungh ndaem le 2500 lai go godauz. Gyoengq nungzminz cungj angqvauvau naeuz: "Gvaq bi ndeu song bi le, aen mbanj raeuz couh bienqbaenz aen mbanj vadauz angjo ndeu lo."

(Vangz Lilanz Goz Gveicinh)



Cingsih: Ginzcung Henzguk Cungh Yez Caez Hoh "Ciet Bauqva"

靖西：中越边民共庆“花炮节”

Cingsih Yen Huzyin Cin Gaisinhhingh youq henzguk Cungguk caeuq Yeznanz, dangdieg ginzcung moix bi youq ngoenz liggaueq ngeih nyied co' ngeih cungj caez daeuj angqhoh "ciet bauqva". Ciet bauqva gaenq miz 150 bi lizsij lo, gyoengq ginzcung doenggvaq gvaq "ciet bauqva" aen minzcuz vwnzva hingzsik neix, coicaenh gyoengq lwgminz guk raeuz caeuq lwgminz Yeznanz baedauq guhndei. Bineix "ciet bauqva" miz fanh lai vunz daeuj angqhoh ne.

(Vangz Anhcungh)



▲Ciengi bauqva yienhciengz.



▲Foux saeceij nauhyied raixcaix.

Liujcwngz: Ngeih Nyied Cobet Ganj Hawmih

柳城：二月初八赶庙会



3 nyied 19 hauh dwg liggaueq ngeih nyied cobet, Liujcwngz Yen Fungsanh Cin Miuhaibya guh hawmih hozdung, miz 6 fanh lai vunz daj Liujcouh、Lozcwngz、Gvangjdungh、Yanghgangj daengj daeuj daengz gizneix ganj hawmih, ciengzmienh nauhyied dangqmaz. Gyoengq bouxyouz youq ndaw mih siuyieng gouzfuk, gouz bineix raemx cuk haeux baenzsou, guekgya bingzan lwgminz anonj、vunzranz ndangcangq.

(Dwng Gwzyiz)